

蔡麟士著

巒頭心法圖訣


武陵出版社印行

岷山公墓圖

是地在潮郡澄海縣北距城十餘里土名古石頭又名象母山龍自郡城鳳凰山來八十里至澄之蓮花山起祖出脉遠不具述自少祖山開七腦芙蓉帳串珠五馬絡繹而來至本身起金水星形遠望如大象踞地中垂一鼻又如卧獅右臂一石高數丈葬於辛亥年十一月十九日亥時從乾亥起祠辛酉入首坤申乘氣立丁山兼午丙午分金內坐柳九度外坐柳十度配合丙水口出丑申水口出艮總水口出辰

圖地塋公山明

一醫真公去



思其人究其術一法歲正而散洩之與中
蘇麻士先生先為我心之可好乙卯仲夏
獲其所著玄頭心法一篋得序在余并為
親友 吳翁所遺竊心求其教承奉家
學之淵源閱歷代之新傳一切生并駢
牆之見洗刷殆盡持之以問名師扞作

二月

三

年不克終。未符即持此以談。天玉諸經。寧不逆。以而解矣。用并數言。於簡端。以誌余言之不謬云。

咸亨三年仲夏三月。湖南衡州知府署長沙府事。吳集禧。杜祺。

跋

陰陽交媾。結地理。青烏經。肇樗里子。厥後赤庭及諸家。汗牛充棟。難屈指。賢坦獨愛青囊經。箕裘克紹。真可喜。著作巒頭心法編。闡發疑龍精妙旨。古來大地待福人。龍穴圖成盡善。後世山花年年開。融結萬端象形體。或如散網之魚翁。或如梳粧之美女。或如獅子拋毬來。或如飛鳳啣書起。箇中偶有一缺虧。煉石補天良有以。餘痴山人編讀之。鼓舞歡欣不能已。願

把驪珠一卷書續貂心法附驥尾驪珠俟刻

自序

余自束髮讀書初學執筆見家君指示三兄商雲
圖書心遂好之家君喜孺子之可教也每手指口授
取星體之易知者一一指示曰此即山川結作之情
形也余雖好之不知其然及稍長隨父兄歷覽四
方名山大川遍觀世族大地得親指示博覽揣摩始
恍然於圖書之妙向之不知其然而然者至是脩悉
其所以然焉庚子之歲隨二家兄鄉試水陸兼程由

南而北道經法流塘見乎山聳而秀中伸一臂支分
七瓣有倒地蓮花焉與花側對見乎蠓螭橫身據地
回頭有黃蜂採花焉適覽溪塘見乎雲霧初開山峰
向秀有八仙下碁焉過李村汎見乎脉若聯珠形似
覆釜有金高椅地焉他若羅衣塘之風吹羅帶烏流
灘之美女獻花黃坑塘之九龍吐珠宋公坑之猴子
洗面山川鍾毓無奇不有然後知龍蟠虎踞水秀峰
奇昔賢之列於圖畫者信不誣也余也足跡雖遍千

里眼界隘於一方向之所見者俱皆望族大地心遊
目想歷歷如繪間有未經前人點作者余於岡巒平
原中多有所得蓋造物結作各肖其形特人未之知
遇耳茲因家君地理求真書成余亦續刻巒頭心
法圖訣以誌不忘所見云爾

咸豐甲寅蒲月潮郡澄海東湖鄉紹宗蔡麟士書於

西園書屋



巒頭心法後跋

形家者言不下數十百種。精巒頭者輒遺理氣。談理氣者又廢巒頭。入主出奴各是其是。閒曹無事。久欲潛心此道。奈賦性迂疎。歧塗百出。心雖愛慕。因識指歸。歲甲寅以抱疴抵會城。適於友人案頭獲觀吾太夫子岷山先生所著辨正求真一書。其識見之超卓。議論之闕深。心知正道在是。而於一切底蘊。究未能窺其萬一也。因極爲訪求。得其 詰嗣麟士先生。

遂執贊請業。冀得一知半解。蒙授巒頭心法一冊。披讀再四。望洋彌甚。幸朝夕遇從。得親提命。始恍然於斯道之有真。益信淵源之有自也。彼專言巒頭者。不但遺理氣。並不知巒頭。專言理氣者。不但廢巒頭。並不知理氣。吾師以天人合一之學。存開來繼往之心。真可謂登楊公之堂。倒青囊之篋者矣。晉以菲材。深恐弗荷薪傳。竊幸此書一出。使天下後世。仁人孝子。不致有多歧之歎。則是書之裨益。豈淺鮮哉。

咸豐四年歲在甲寅天中節廣東連州直隸州州判
受業中州張嘉晉謹跋



躡虎掉尾伏獅訝捲湖之白象驚顧子之靈龜虎萌
牙而欲動獅擺尾而誰知飛鳳冲霄雲空翼展仙猿
守菓香惹情癡孤月臨江仙侶動鼓琴之興金龜朝
北胡僧瞻拜斗之儀看鼓翼於金雞猫還捕鼠肖吐
珠於老蛤龍亦探驪文曲化金魚卜錦帳鳴珂之應
臨軒憑玉几正貴人升帳之時則見屢著靈機別開
生面閣傳水而金輝局傍排而綵綯麟有角兮獨崢
鶴常飛兮不倦識聽鐘之微意牛亦知音望啖舌之

續豆八注

四

餘威虎真善變啣書綵鳳輒興棲閣之思浮水金魚
疇動臨淵之羨鳴琴傳月下絃果何勞鼓瑟有仙人
曲終猶見弔金鐘於寶蓋瑞氣蒸騰覆活火於丹爐
靈光隱現元龜出峽飛雁投湖金鈎倒地瑞色呈圖
有渡江之獬豸似結網之蜘蛛獨脚犁春牛有欄而
纔出雙翅臨水鳳欲飲而飛趨華蓋重重伏獅自擎
夫寶傘毫光的的老蚌獨晒夫明珠識聽琴之老翁
厥居永真認張鉗之螃蠏吾道不孤勢等下山之獅

巖頭心法

五

精神踴躍情同埋牙之象。意度踟躕。况夫星星象目。穴現螺頭。將軍戴甲。獅仔望樓。出林猛虎。挨磨黃牛。既獲白門之龍脈。復觀側面之虎邱。軍門則烈士待詔。大座則將軍運籌。朶朶蓮花。香浮碧水。層層月魄。影掛金鈎。寒獺捕魚。濤聲悲壯。江豚鼓月。意態清幽。驚得水而自如。浴泉與飲泉并著。獅伏形而曲肖。顧祖與顧尾同優。纔看皓月凌雲。突初成於平地。果見太陽升殿。脉獨衍於清流。乃為歌曰。山花開兮山色

濃。山容隱隱間春冬。拾得山中龍虎穴。子孫世世紫泥封。又歌曰。覽圖象之軒呈兮。精光發洩。俟有德之奇緣兮。世產英傑。予何敢自私兮。留遺憾於前哲。知大塊之無窮兮。取不盡而用不竭。咸豐四年歲次甲寅。天中節澄海東湖散人蔡麟士著。



蔡麟士曰。來山為勢。成星為體。皆二氣之所化也。顧山有背面。有情即面。水有前後。來處為前。向分二十四局。配三百六爻。苟無師承。難以定穴。管見繪出巒頭七十二圖。並諸峽論。寫山中現然之結。作抒胸中固有之情形。使觀圖者一見而知。龍自何來。水自何聚。局自何分。向自何立。如何出身。如何入脈。如何會局。如何掛線。配合三大卦之作用。點明上中下元之真機。雖不能圖圖發洩。而舉一反三。無非楊公秘

竅學者神而明之則百里江山了然在目而且房分榮枯功名富貴年代興替靡不畢具於圖中或者曰名地已被先賢點過子何圖為余曰圖內所圖子屬未點之地天珍地秘以待有德特人未之知耳何點過之有圖具下

受業

姪修教
男修雅
張嘉晉
葉滋榮
姪修職
姪修史

全編校




金鵝浴水富地
金鵝浮水綠穴在光明腹端拱貴人朝四圍山簇簇
杖法果無差兒孫定式穀
是地甲山兼寅甲寅分金收右水歸左出巳口配
合風澤中孚卦葬下即發鵝頭一火悞打不吉

飛雁投湖貴地

雁騰翼下池湖。木火森森畫不如。勸君下取脚跟穴。
仲氏魏科入帝都。


是地破軍傳輔弼。結成飛雁穴形。砂水迴環峰巒應位。
乾龍入首。立子山兼癸。庚子分金。坐虛七度。未收右邊坤
水過堂。流歸卯位出口。掛金線立主催官。午位峰高丙
午科。二房定有科元之應。惜乎穴結膝眼。俗眼難認。
宜小安墳塋之為得耳。雁頭一穴。誤并不可。




老翁聽琴富貴陽居

武曲落平原四邊水來纏貴人天馬雙拱照科元不替子孫賢

此踞水局也。倒地橫木。縱橫二三里。水繞砂拖。落脉分明。羅城週密。純吉地也。當看四畔。齊整風藏氣聚。為佳。左右缺陷。風寒為假。苟立宅真的。逢得運之年。無不發福。何也。此局不但論水。且欲論運。論風。如元運興衰。由天定。山水生尅。看宮星。山居水宮。年運生山。官疊出山。居水財穴。結年財祿千鍾之類。知此方為全法。






飛鳳啣書財丁貴地

飛來彩鳳下平時一半剛今一半柔積善降祥天與福明珠兩顆作詒謀

此木星正落脉從中出兩翼遮護閃出一突形如飛鳳下田宜尋眼穴杆之嚟袋一穴亦可粗安但不如眼穴之較勝耳是地乾龍午向丙子分金巽辛局收坤水倒左出辰諸房迪吉



丹爐覆火將官地
木火森森變祿存文星橫枕顯龍尊軍門坐對威嚴
肅經畧安邦世子孫
此地木火峰高變祿存傳一字文星入穴形類天
罡唇口鋪氈穴情純厚貴人護峽坐文星而對軍
門洵一方之美格吉人獲得必有王封之應可預
卜矣穴結郊山宜用二八坎癸局水出丁未口得
之者當有元戎之貴

伏獅顧尾貴地

寶蓋橫遮勢特崇。蘆花裊裊入中宮。貴人齊看金獅戲。捉得獅兒奪化工。

是地巒頭秀雅。穴體分明。明堂十道。天然登對。癸龍來穴。結亥山已向。水出丁未。宜用乙亥分金。方是此地之真向。誤立丁亥辛亥分金。房分有傷。不可輕忽。




增訂心法上卷

七

孤月臨江科貴
臨江月最難逢。塙疊山峰照座中。水自坤來歸北去。
案山員滿似開弓。覓得嫦娥三分魄。滿身香帶桂花
風。

是地壬龍入首。穴結乾山兼戌。丙戌分金。坤水來。
子水去。諸房迪吉。但丙戌分金。宜用十數庚金。方
是珠寶。十數不成。悞入水局。則二房有寡夭之虞。
不可不察者也。

增訂心法上卷



金鈎映月科甲地

金星映月一角從鈎文星正對定占鰲頭

是地乾龍入首穴結子山午水朝堂用戊子分金
掛丙火線收左水倒右出庚口立主催官稍一差
移巒頭雖美亦凶經曰氣線無毫忽之差信也




仙人鼓琴科甲地

仙人鼓琴三貴齊臨運值下元兄弟翰林

坤龍入首穴結午山戊午分金坐張三度收寅艮
水倒左歸戌方出丙午峰高二房出貴發於寅午
戌年催貴極速

妙吉祥



鹵門六清貴地

貪狼龍飛雁峽穴結鹵門母亂挖三峰朝數峰夾生氣窩藏宜蓋法主出清高應召賢兄弟齊名登雁塔是局貪狼出陣寶蓋當頭有騰雲之勢穴星壁立下散上聚穴結顛門宜用蓋法小安墳塋并之可出清高隱逸白衣應召之貴主己酉丑年兄弟雙薦。



金鷄鼓翼。金殿傳臚地。

金水成形妙品題。振振展翼鼓金鷄。砂迴水抱筆峰
照。一白當時耀壁奎。

是地。卯乙雙來入首。穴結子癸雙山。用五千五癸
局。收右水倒左出辰口。能立此向。不但出貴。且可
開族。候用左右分金。地雖美不吉。

妙吉祥



白象捲湖板元地

木火森森合四圍灣環兩水抱身歸捲湖象值中元
運乾巽雙催着紫紉

是地申龍入首穴結丁山兼未庚午分金水自坤
來由乾歸艮乙卯峰高主長房出貴二房多丁四
房絕嗣亦造化之限人處苟得明師四房必有轉
移化吉之巧又非此論



月下鳴琴京科地

仙人遺下玉弦琴。水帳包圍正貼身。柳眼萌春稱穴


格。離壬局合甲科真。

此眠琴穴也。五腦水帳貼身包圍。龜蛇會局。貪狼

守峽。穴結柳眼萌春。格局清奇。印貴正照。乾丙峰

高得之者。長房當有泥金之報。正面三穴。小康而

已。




寶傘蓋獅侍衛

一匹

金獅寶傘蓋尊榮。玉釜文星畫有情。運值中元符五
吉。貴居侍衛有聲名。

是地木星渾厚。土金相兼。高不露風。低能起頂。後
坐三峰。前對玉釜。寶蓋貼身。貴人侍立。得之者當
有侍衛之貴。郊龍來穴。結艮山坤向。己丑分金。用
二八艮丙局。收左水倒右。由辛戌出子口。諸房協
吉。



玉兔顧兒科甲地


水秀峰奇玉兔顧兒滿門朱紫威世龍變

是地峰巒層擁局緊砂灣穴結山上巔窩局內之
水四時停流不盈不竭清香宜人奈龍現穴隱難
以尋覓苟能於窩弦化陽處培起掩月蓋砂收歛
全神塋下即發傳至後代當有白衣應召穴結未
山丑向辛未分金坐井廿三度未會本局收右水
倒左出戌口富貴綿遠丁可數百

一五

齊頭心去八上卷

十六



浮水蓮財丁富貴地


山迴水抱一穴居中三元不替誰識化工
是地星體仰面穴如荷錢其根在下其實在上宜
從中心豎起一堆形如伏鐘棺內坐艮向坤不封
不樹如浴衣然主三元不替立碑僅發一元餘元
有差此局甚少不必論龍論脉非造化完全不結
此地



寒嶺捕魚財丁武貴地

鋪陽出脉變金星開口捕魚水蓄滙一帶青峰環拱
秀庚金局發貴財丁

是地午龍兼丙入首穴結巽山乾向戊辰分金會
成金局收酉水倒右出丑口文曲加子武曲在乾
破軍在酉輔星在坤弼星在離貪狼在巽巨門在
震祿存在艮此挨元運星之法葬值上元立即發
福



靈貓捕鼠貴地

个字斜抽脉緩柔。穴前豬蓄水悠悠。靈貓捕鼠難逃。穴富貴應知在筆頭。

此水星落平岡。屈曲靈動至盡處。側面開鉗形勢。軒昂宜就正面動處立穴。主財丁勃發。但出人情性恐過剛耳。

妙吉祥



側面虎。京堂地。

寶蓋層層脉正中。形如側面虎。強雄前朝。文筆參天。表。葬後催官出上公。

是地土金結作星體渾厚。造化完全。而人首降勢。端嚴。形如伏虎。停岡寶蓋擁護。秀水特朝。宜就開口立穴。主當代發福。穴結巳山巳巳分金。水出亥。若外堂有亥水來去。不宜立碑。係催官地。



猛虎過江武科地


太陽金化少陽金。威勢真如虎縱擒。底事橫江攔阻。佳。斜穿鼻孔氣蕭森。

是地後坐五腦芙蓉。前對雙薦星峯迥異。形勢軒昂。力量盛大。擺摺橫濶。如猛虎之過江。如渴龍之奔海。得之者主出武貴。坤龍入首穴。結酉山。如向巳酉分金。收右水倒左出癸。正面一穴。悞杆主絕。




出水蓮花。清貴地。

香水泛荷錢。蓮心穴自然。中元當運。墓定產異人先。
穴結辰山戌向。戌辰分金。內堂水由丑艮出入。此
巨門口也。




仙人鼓瑟 文科

仙人鼓瑟。弦上三星。貞元運會。三貴齊臨。
是地辰龍入首。三貴齊臨。穴結巽山兼巳。壬辰分
金。用癸水局。收右水倒左。由辛歸戌出口。辰巽峯
高。長二房。當有三貴人之應。



金魚浮水。貢監地。


金魚浮水中。腹裏氣冲融。能扞陽水局。丁壽福無窮。
是地結於水鄉。魚形甚肖。理氣甚清。水自坤來出。
丑立午山。兼丁壬午分金。會成水局。葬下多丁。多
壽得之者。富貴綿長。魚頭一穴。花假田中一穴。砂
水不交。悞葬不吉。



金龜朝北斗富貴地。

遙遙七腦列芙蓉。山下發源不問踪。金龜朝斗人難識。生氣藏肩穴可封。


此局斜金擺角。正面陰陽不交。肩井員厚。深藏唇。穠。收。但宜就肩內。微暈發現處。扞之。發福甚速。穴結申山寅向。甲申分金。丑水特朝。合仙人經輔。星吉水。辛酉來龍。七房主多丁。此轉移龍運之法也。



江豚鼓月


江月豚魚鼓浪歸。五星伴月月光輝。若然占得交輝處。錦里鳴珂著紫緋。

是地丑龍入首穴。結壬山左水倒右。會辛戌出口。十道分明。似乎易托。但前後杆莖。俱不能發者。知合火局。而不能得真火局之作用耳。苟知其故。揀用己亥二八火分金。則得之已。此見真地難得。真師難逢。巧相逢而適相值者。蓋有天焉。餘穴花假。



老蚌晒珠貴地


龍現穴迷離明珠若個知。蚌胎從此結。乾卦用為奇。
 是地申龍入首穴結辛山丁酉分金。用乾卦內爻。
 水出巳。墓下即發。



老蛤吐珠 富貴地

金星三疊下平田。墜角鋪陽似鏡圓。水繞砂圍包穴。
緊明珠採得勝金錢。


是地連金擺角。真脉暗落平陽。潜踪難認。喜得唇
口。堦收員。健可愛。宜就唇內畧動處立穴。發福甚
速。穴結子山午向。收左甲水出午口。庚子分金。掛
金線。方合消納。



下山獅武貴

來龍雄急靠唇托避殺方能保萬全莫笑用神砂落
落寶珠却在水城邊


是局星峯高聳落脉峻急宜閃殺挨近界水邊頂
空立穴內藏珠寶外作小塋避去剛硬立酉山巳
酉分金收右水出丑口合成陰火局建吉



遊龜顧鬼科元地

金星大小相鈎連真偽須分穴那邊但把用神推五吉杆來富貴卜他年

甲龍入首穴結寅山申向戌寅分金收左水倒右出戌口坤申丑辰峯高聳主長六二房出貴四房多丁三房大富弼星在丑武曲在戌貪狼在酉輔星在坤巨門在巽此五吉位也由此推之可得其竅



將軍戴甲科甲地

芙蓉帳擁出蘆鞭三疊金星穴自然砂水交融新氣象神童獨占狀元先


是地巽龍入首水自卯寅亥右旋倒左流歸戌方出山會成乙木陰火局宜立午山子向坐張月鹿三度方合消納悞用張二度張四度地雖發久後必絕悞用庚午分金損丁經曰前兼龍神前兼向連珠勿相放後兼龍神後兼向排定陰陽算明得正神與零神指日入青雲不明正神與零神代代絕除根此理氣奪巒頭之戒也須知



金盤浴日

水如玉帶繞金盤。日浴金盤氣不寒。田畔龍蟠蹤隱約。天留有德作催官。


是地高山卸落平洋。脉隱而伏。潛蹤難認。水繞砂抱。形似浴仄。穴情端的。局結午山。兼丁水出丑口。宜立壬午分金。諸房值吉。悞用丙午。不特房分不均。而且財丁有損。造化留此。以待有德。不可不知者也。



螺頭穴財丁地

螺頭怪穴隱泥塗。千百年来視若無。坐對貪狼城拱衛。果然拾得勝明珠。


此局形勢急硬。正面陰陽不交。到頭渾化。當閃殺立穴。宜就吐唇處。取出木芽迎財而下。丁貴甚速。穴結郊山。



黃牛聽鐘捐職

金星垂乳側身歌側耳黃牛形絕奇水秀砂明朝正
穴隨龍花穴要先知

是地申山寅向水出辰用壬申分金左一穴小結
右一穴花假正面四穴純陽無陰悞杆主絕



關虎啖舌。富地。

水抱砂環。不露風。前官後樂。護重重。形如關虎。頻舐舌。墓後寒家。得素封。

是地巽龍入首。穴結午山子向。壬午分金。收左水。倒右出辰。催富極速。


妙吉祥



獨脚犁春。傍一穴蜘蛛結網富地。

紫氣冲天。氣象萬千。萌芽秀發。文筆魁躔。雙峯並峙。玉笋班聯。傍田一穴。富貴亦全。

右地二穴俱子向。田穴用戌午分金。收寅水倒左。出亥口。山穴用壬午分金。收辛乾壬水倒右。出艮口。山穴能出大貴。而且財丁富庶。田穴傍結小富貴而已。




飛鳳飲泉 貴地

飛鳳飲泉。眼穴堪杆。下元當運。科甲綿綿。
是地木火森森。主星高厚。右水倒左。出亥口。宜立
午山子向。戊午分金。配合地雷復卦。方是此地之
真消納。悞兼左右。房分有差。




黃牛挨磨財可貴
 出欄牛兮出欄牛左右二穴誰探求
 留報名賢廣陰
 薦他年聲價滿皇州
 是地金星側出正面純陰不化穴
 結鉗口局緊砂
 灣形神豐滿宜就鉗內湊毬立穴
 財丁甚大傍穴
 小康穴結已山已已分金



伏虎萌牙武貴。


形如伏虎停岡立。雄風不假他人威。應知拾取口中
穴。樹幟軍門着錦緋。

是地甲龍入首穴。結巽山乾向。戊辰分金。收酉辛
水。歸丑艮。




獨角麟軍門

獨角麟破軍峽帶旗帶劍披金甲弓左開鎗右插穴
 情勒馬板鞍法主出上將軍邊疆掌生殺
 穴結申山寅向甲申分金離壬局




雄獅擺尾。科貢地。
 擺尾金獅出帳雄。前宮後樂勢增嶄。貞元運值英豪
 見。子午卯酉甲科成。
 巽龍穴結午山子向。壬午分金。收左水倒右。出艮
 口離土局。弼星在卯。武曲在子。巨門在午。壬子丙
 午峯高。兼之五吉星飛到。應子午卯酉科。長二房
 貴三房多丁。



出峽龜富地

一點明珠蘊土中。幾回尋得幾回空。一朝勘破真消息。始信山川造化工。
是地穴情雖隱。造化完全。立郊酉向。癸郊分金。收左水。倒右流。歸辛乾出口。庚金局主財。丁富貴。純吉無凶。


妙吉祥



倒地金鈎。貴地。

倒地金鈎身帶旗。龍強虎伏似單提。串珠入脉兼朝。樂貴顯應知莫與齊。


是地連金相並。穴結從鈎。宜就轉灣動處立穴。但寅申峯高。水出亥口。滿局富貴。惜乎申山寅向。丙庚二分金。兼加不到。宜用戊申。串定二八。木分金。方能得此地之真消息。不然地雖美。葬下長二房先凶。不可忽也。



將軍大座貴地

七重錦帳列屏風紫木峯高一穴中左右貴人觀蒞
榜墓來得法榜花紅


是地後坐芙蓉前對雙薦外峯高聳明堂注蓄羅
城週遮惜乎雙山行龍雙山入脉屢葬而不一發
者不曉真向之故耳苟曉楊公雙山雙向水零神
之法立五巳五丙收聚堂之水流歸丑艮出口主
郊戌科癸亥癸卯命人定有两榜之應



獅子望樓京堂

驪龍忽吐寶光珠。珠未光時與石俱。堪笑山中採珠客。望樓獅子視泥塗。


是地星峯秀雅。穴體休容。落脉紆徐。有從容不迫之義。而且貴人特達。旗鼓貼身。明堂緊照。寶蓋當頭。得之者。當有京堂之應。傍穴雖个字中抽。右肩斜側。下砂不關。雖有堂氣。不能自立。經曰。大底真龍臨落穴。多有假穴貼身。隨此之謂也。不可誤。是地郊龍入首。穴結艮山巳丑分金。艮丙局。收巽午水。出辛酉純吉。



象牙富貴地

白象埋牙怪穴嵯峨一動一穴鋒在口窠伊誰福扞
錦里鳴珂


此格與白象埋牙無異邊厚邊薄形如牙乃其鋒
在口當尋牙根立穴方為真的是地酉龍入首水
歸寅郊辰出口立丁山兼未庚午分金收壬水朝
堂會五鬼運財局墓下即發判曰癸向龍從酉來
怡逢五鬼運財宜掛三七水線悞犯丙火生災



寶蓋吊金鐘貴地

木火參天氣象森。蟠龍頓起太陽金。朝峯砂水俱奇。
特。世產名賢四海欽。


是地已龍入首。穴結丁山。水自寅艮過堂。倒歸亥。
乾出口。用甲午四六分金。串木局。主科甲不替。丙。
午峯高。長二房。當有京堂之貴。乙木不成。巒頭雖。
美亦凶。



○猛虎出林武貴


紫氣凌空勢插天。土金相並若頑然。形如猛虎林中出。脫殺宜從口內拈。

是地壬子來龍。穴結丑艮。艮水出辰巽。能立丑艮雙山。兌丁局抹零神水。歸辰口。弼星在戌。武曲在未。輔星在辰。巨門在丑。貪狼在丁。此五吉位也。得之者可出武科。




飛鳳冲霄狀元地

飛鳳冲霄秀。文星正特朝。玉琴三疊案。第一榜中標。
此木火通明格。午山子向。結成五腦芙蓉。後頭跌
斷化水。再起紫氣木星。狀似正面鳳形。中堂蓄水。
清光明潤。合成飛鳳飲泉格。體勢端莊。文星正對。
純科元之美地。運值下元。葬下即發。穴結戊午分
金。串定乙木局。方是此地之真消納。傍四穴不吉。
前面三穴小結。



螃蟹張鉗富貴地


螃蟹抱珠圓開鉗口合杆芙蓉前後對
豬蓄斗量錢是地坤山兼未丁未分金
乾水來巽水去天元一氣掛木爻
允係吉地主長房發福四房有差



解牙渡江富貴地

解牙渡江穴住腰樂撐筆架對前朝真龍拾得三分
脊三度高官擁玉貂

是地來龍雄偉局緊砂灣申龍入首前後貴人貼
身水自辛來出乙立丁山兼未庚午分金應成離
壬局催貴極速悞犯丙火雖庚午分金主富天貧
強貴不終



出欄牛富

平腦側身號沒骨形奇穴隱最難識先賢喝作出欄
牛富貴人丁皆可必

是地丑龍入首穴結甲山兼寅弼星在甲武曲在
丙貪狼在下輔星在申巨門在壬能立四六甲寅
分金收五吉到山水出未口可出富翁正面一穴
誤杆主絕


四



鶴形貴地

形如老鶴下平田三曲朝堂玉帶纏簇簇遠山爭獻
媚應知世代出名賢

是地成龍入首穴結庚山兼申丙申分金坐畢八
度甲水朝堂由乙歸丁出口配合仙人經收特朝
水巨武雙關之一局發福甚速



軍門待詔

廉貞高聳入雲霄變出文星曲動搖寶蓋後遮旗馬
衛出人寨過漢班超

是地坤龍來穴結午山子向壬午分金水出丑艮




麟頭心去下卷

富地

厭天留此穴待名賢。

吉



坎上
廉貞
運財


蓮頭心法 丁卷

伏獅顧祖 巨富

錦帳裏真龍。回頭顧祖宗。若當元運內。一墓即興隆。
是地艮龍轉巽。子癸特朝。立正丙山壬向。巳巳分
金。合成五鬼運財局。現行九紫。寅葬卯發。惜乎知
音在邇。則賞知音者。當不在遠已。

八






妙吉祥

文曲化金魚。財丁富。
 文曲化金魚。魚臍一穴。辰田源吸不盡。富貴二房俱。
 是地申龍入首。穴結丁山。兼未。庚午分金。卯水去。
 會成離壬局。主二房多丁。長房失祭。若有多房。八
 房主富。慎言亥卯未木局者。非。經云。水上排龍點
 位。庄不可不知者也。

錦帳鳴珂 一品地

旗戟森嚴氣象殊。破軍出脉衍名圖。風雲到此一變色。秉鉞麾旄夾道呼。

是地木火插天。傳金水化出覆鐘一穴。龍樓寶座。劍戟森森。旗鼓牙刀。飛馬飄揚。洵一方之勝地。為絕勝之美格。得之者當有侯封之應。穴結甲山戊寅分金。壬水來。丙水去。收清地元一氣。配合楊公辰戌丑未地元龍。甲庚丙壬夫婦宗。二十四山分順逆。分明訣在仲山龍。艮丑未龍須換局。若然依舊中房舊。



金閣傳水 文科


金城一圍。玉水抱歸。奇峯照耀。中穴增輝。
 是地連金擺水。穴結山腰。用申山寅向。二八分金。
 收右水倒左出辛戌。



清流脉 兩榜


金魚穴。點眼中。水繞砂交。不露風。紫氣冲天。輝玉几。中元運。值化蛟龍。

是地峯巒層擁。格局甚奇。週圍之水。不盈不竭。渾身帶石。穴結魚腮。有識者。當於腮傍動處。畧去小石。便成吉壤。經云。困魚偏愛吞生水。解上龍門直上天。斯地得之。已穴結巽山乾向。壬辰分金。



玉几臨軒兩傍


寶蓋輔金龍。屏風列帳中。貴人端拱坐。聲價振皇宮。
是地連金變。水木化出土金結。穴五星歸垣。四水
纏繞。乾龍入首。穴結子山午向。庚子分金。坐虛八
度。收巽水。倒右山。戌口頭陀師云。得金得卦。斯為
全局。此地得之已。誤坐虛七度。三房損丁。滿局俱
差。



平地突科甲地

火峯焰下平田藏倖穴欲沉淵貴人旗馬齊輝耀得
訣何難鳳詔宣


穴結子山午向水出巽口




仙猿守菓貴地

重重金水下禾田。案樂分明曜氣全。山色四圍齊拱秀。中元運值福無邊。

是局峯巒層擁。文星高拱。秀色可殮。有滿園春色。關不住。一枝紅杏出牆來之意。第六結子山。兼丑宜用丙子分金。收右水倒左出甲寅。辛金局。方合葬法。




伏獅捲尾。狀元地。
錦屏玉几。疊蟬聯。一曲金鉤。月半圓。水秀峯高。環拱
照。傳臚高唱一聲先。
是地後坐捲簾殿。試前對特達文星。砂明水秀。左
右貴峯緊照。洵吉地也。但穴結壬山。宜用己亥分。
金。坐危十五度末。收右水出辰。方能出貴。第己亥
分金。不可錯用。畧偏左右。犯火爻。官房必絕。



象目五桂聯芳

龍怪穴奇象目陸離俗人不識慧眼方知須尋眼穴
芳桂連枝


是地形如牙刀砂水有情正面三穴星體圓潤可愛初葬亦
能小康茶磨脚走竄雌雄不交不紀而財散人亡牙根穴峯迴
水轉全局砂水一攢無遺但穴結郊山水出申巳知分金用二
八坎癸局收亥水上堂富貴壽丁可立待巳四房絕嗣長三出
貴若有明師手法於壬方造一塔則四房多丁貴此補救之法也




太陽升殿富貴

太陽一穴號懸鐘。金水拋來對火峯。依法挨乘生氣到。為官必定受王封。

是地巨門行龍傳金水。變飛鵝入脉結成覆金一穴。砂水迴環木火峯高。水自乾方來。會艮方歸乙辰出口。立午山兼丁。壬午分金。應成離壬局。主父子同科。或兄弟聯榜。造化留此。以待吉人。良有以也。






貴人升帳。元戎地。
遠峯近嶂作圍屏。玉水交纏萬頃青。獨坐貴人朝北
斗。他年鍾鼎共碑銘。
是地巽龍子向。左水倒在。會乙辰出。宜用壬午
分金。方合消納。


傍排局陽宅

四畔團圓水繞屋於中有穴食天祿東西南北四門


開運值真元產大財

此亦據水局也地形寬大若見水口遙遠局內之水放光朝堂
 消納不定又當配入元運收風收氣方為盡善如此局東西南
 北四門上元發西南下元發東北此收元運水也所謂攸居卜
 吉尋生財乘運轉移在開門又如局內美砂乘運生山方得此
 堂中惡水常運尅穴即成病四圍不無缺憾如遇生旺扶搖此
 來方享厚福兩邊或有經緯若值破祿尅運至立見衰貧此
 收元運風與水之法也夫先賢命後不曰山水而曰風水者風
 與水並重之辭也今人不但不知風且不知水並不曉認龍
 局辨上下之陰陽去古人遠已噫分風即採接天氣之法中有
 微妙難以贅言姑舉一局以例其餘





金鈎釣月左鈎格
 金鈎釣月映水邊。玉帶灣灣抱穴前。水秀砂廻來抱
 鎖功名早着祖生鞭。
 穴結庚山甲向。用二八爻。收左水歸右。諸房迪吉。



金鈎掛月富地
平洋不問踪水繞是真龍
三重勘破天機訣消納能
收祿萬鍾

是地穴結子山坐危二度水出戌口卦配明夷右
水倒左當用上卦為吉

妙吉祥

胡僧拜斗

胡僧禮斗。卯水入口。甲水煎收。卦占大有。

是地穴結辛山乙向。丁酉分金。坐胃五度。未水出。未口卦配風雷益。當用下卦。方合消納。




驪龍戲珠

驪龍戲珠

驪龍戲珠。雌雄交度。坤水朝堂。陶朱之富。
 穴結子山。午向戊子。分金卦配。既濟離壬。局判曰。
 坎山坤水。出南離。妙用時師。那得知。天上祿存人。
 不識。祿存流盡。佩金魚。

妙吉祥



祥雲映月。富地。

祥雲映月水悠悠。獨有員峯在後頭。水秀砂迴關得

住。田園萬頃任君收。


是地形如蚕繭。砂水明媚。楊公所謂蚕緝脉。最難圖。如蚕似

繭。下池湖。玉女愛將湖水煮。繭絲水面是明珠。真龍氣泊明珠

上。為官必定佩金魚。此穴甚肖。

是地有二局。立亥山兼乾。乙亥分金。水出巳。墓下多丁多壽多

貴。可開族。立乾山兼戌。丙戌分金。坐奎六度。雖丁貴而少富。



以上四圖皆平洋局也。平洋取法與高山不同。高山論龍論峽。論脉定入首。平洋論水。論濱。論風。看去路。高山以來龍進氣處。為城門。平洋以堂局之缺處。為水口。高山看起伏。平洋看屈曲。高山異氣。平洋一氣。高山之去口。即平洋之來龍。平洋之來龍。即高山之去口。勢雖懸殊。理無二致。故曰春榮秋落。勿尋出運之龍。陽往陰來。須識本宮之水。正直偏曲。惟貴局清濶窄直長。但須位的。此水龍訣也。先賢各有專書。楊公有地鉗。郭公有九章。謝氏有水鉗。蕭客有

水龍經。非熟悉諸訣者。難以定穴。是地形如葵藿。水繞砂抱。背面分明。坐下端的。雌雄媾交。純一方之美格。莖值真元。發福甚速。姑繪五圖。以脩平洋結作之萬。四圖皆然。

以上諸批。每一批各具一局之作用。其中之認龍審局。辨二十四山左右倒之陰陽。乘脫挨加。察三百六爻順逆行之凶吉。整整有條。混牽不得。苟能於圖內審出來路。看四生。坐下看四絕。局內看三合。向首看雙金。斯得之已。楊公曰。一箇排來千百箇。莫把星辰錯。龍欲合向。向合水。水合三吉位。又曰。若還不

信此經文。但覆古人。言無二致也。苟明乎此。先覺後覺。其揆一也。千古傳心。不外是已。
以上諸圖。是僕從家君入山。或為古名塚。或為新地。繪諸圖中。理氣即寓圖內。合理氣即吉。背理氣即凶。所爭不過毫髮耳。時師不明先賢用意。妄為人家祖塚改向。無不立敗。可慨也夫。

齊頭心法集成

麟士曰。因龍察勢。論星定體。即形之動靜。以認氣。然理即緣氣而存。蓋自乾坤闢闢之初。各有是山川。磅礴之氣。即各有是貞元會合之理。察地者。即因此以定吉凶。如何來龍。如何入脉。如何立穴。如何定向。如何配局。如何掛線。各有妙用。大約不外河洛先後天。二氣之理而已。二氣從太極而生。太極者。性之原。兩儀者。氣之分。四象者。形之著。八卦者。位之立。五行者。

五星中之氣與形所由分也。是故黑氣低凝。水氣生焉。赤氣浮天。火氣生焉。青氣上升。木氣生焉。白氣垂空。金氣生焉。黃氣平橫。土氣生焉。半升而溫者。木之氣。半降而和者。金之氣。半極而炎者。火之氣。降極而寒者。水之氣。上炎而平者。土之氣。此形氣之和者也。水濕火燥。水多滅火。火多消水。形實氣虛。虛多損實。土多弱水。水多衰土。暗多滅明。明多消暗。此形氣之偏勝者也。先賢云。諸陽為氣。為升為橫。為平為虛。為

動為燥。為浮為溫。為火為明。為生為長。為變為化。諸陰為形。為降為直。為陷為實。為靜為濕。為沉為寒。為水為暗。為收為藏。為煞為止。善觀地者。知形氣驗土質。而吉凶無遁情矣。何也。諸陽為燥。諸陰為濕。土患燥者。陽多。土患濕者。陰盛。上過燥而下無潤氣者。陰陽不交也。上過濕而內少溫煖者。純陰不化也。造葬者。值之皆主不吉。上潤下乾。陰上蒸而陽下濟。形諸吉也。低而能堅。高不患燥。虛實和平。乾濕均勻者。吉。

之基也。造葬者值之。福祿無疑。是故星體端秀者。清靈之器。賢貴之證也。星體重濁者。頑蠢之物。愚賤之質也。土為陰質。靜則神藏。動則消氣。隱厚而動者。神在裏。浮華而動者。神在表。在裏者。福厚而久。在表者。福薄而輕。外粗內精者。精藏裏也。外光內虛者。邪浮表也。葬裏者。福在後。印乘表者。福現目前。故穴也者。精神之內舍也。精神內守。則元陽不虛。榮衛自生。外入。是故土面陰水不化者。下陽弱也。土面陽水

易乾者。下陰虛也。虛多實少。則外邪易動。而神難內守。則生氣亦散於空虛。實多虛少者。則內寔壅蔽。而氣不外通。則元陽亦隨而死。虛主貧夭。實主衰微。此一定之理也。善觀地者。當知扶陽。蓋陽和則明。陰多則暗。陽為主。陰為輔。則正。陰為主。陽為輔。則邪。故造葬之法。陰不可勝於陽。陽用六分。陰用四分。則得之矣。夫兩間之物。得陽則生。陽盛則長。受陰則收。陰盛則煞。物之始終然也。至於辨土色之法。黃土為上。紅

為土相。為土之生。白為金色。為土之洩。青黑不宜過多。青多剋土。而黑則反土之性。此相地之大畧也。密頭心法。不外是矣。

五星穴髓

大凡點穴之法。宜先定形。星體之變化不一。動靜之取用有憑。脉正穴偏。脉偏穴正。龍顯者穴必隱。龍剛者穴必柔。龍混者穴必明。龍渙者穴必收。龍直者穴必橫。龍老者穴必嫩。此點穴之所宜知者也。故曰莫

道無頭。無面。橫看其踪。休言是木是金。動中取穴。先論木星。木星柔嫩者。三停雖然有穴。亦要若正若偏。虛實相成。弦稜明白。有節有泡。方真。直立者。中雖起節起泡。開界轉皮。亦須防其偽。蓋正中結作。必須旁脉入穴。方有真機。亦有無節泡而成穴者。必須開脚轉皮。反肘曲身。乘其橫直交接之處立穴。亦有開窩結者。須看窩弦有水泡方真。又有側面結者。當看側處生出嫩芽方真。又有反弦結者。當看高弦處有枝

節方真。又有蕪水兼火兼土金結者。當看相兼處有微突。兩脚能轉顧穴方真。又有眠崗卧地。或垂頭吐乳。或走金走水。開鉗結者。當看上分處圓秀。下合口明淨方真。木老正中無氣。面正而濶無氣。面正而欹無氣。面正而弦瘦無氣。面正而身直無氣。面正而中寔無氣。面側而無轉折無氣。面側而突突而枯硬無氣。面平而突突而柔緩無氣。是故節泡之穴。開口為上。平橫之穴。吐乳為奇。拖穴後龍要陽盛。併穴入脉。

要陰平。此木星之結。作定穴之法。不外是矣。

麟士曰。木星為貪狼。其形如頓筭。左右無足。經曰。貪狼自有十二樣。尖圓平直小為上。欹斜仄石倒破空。禍福輕重自不同。行龍若帶祿存祖。廉貞可出大貴。聖賢神童魁元。孤露出神仙。衰敗出巫祝。楊公點穴有十二法。曰。中并正面詳。辨節鬐高低。仄落偏裁。惟審勢歸左右。落脉背面。棄背就面。界水陰陽。去陰取陽。脉自頂貫勢。

多閃結。乳如雄峻。穴必粘唇。一角從鉤。妙居傍曲。兩頭平直。穴就中藏。兩股逆直。中扞肉地之弦。一股重輕。單取有唇之壓。屈曲必睥節之結。垂頭喜壓面之開。此木星之十二穴也。後學宗之。定穴不可不知者也。

火星結穴。最喜中虛。欲從火角處。變出木芽嫩枝結穴。或轉土星為上。另結火角者。次之。變水泡者。又次之。有正面正結者。其星必欲仰而和。入脉必須折而

側。後龍必須平而橫。方妙有星體帶石落平埔結穴者。當者轉折處分明。下面鋪陽。或開微口為上。平面之穴。兩角浮舒為佳。倒垂之穴。脫體浮突為上。故凡火星結作。最喜近水。成既濟之穴。或借外來之山。以作護托為佳。不然。當開陰池以制火熱。方成大地。此火星結作之大畧也。

麟士曰。火星形如燄火。粗雄高大。為諸山之祖。其形有四。尖曰龍樓。平曰寶殿。獨峰脚擺為紅。

旗土頭石脚為曜氣。破碎如摺傘裂絲。石色紅赤為真。青白黑為破。祿頂生天池。帶輔弼為禁地。餘隨龍身大小取用有差。楊公點穴有二法。曰脉垂和緩。壓煞杆中正之坪。勢來雄急。閃殺倚仄分之脉。此火星定穴之所宜知者也。土星結穴。員金為上。火穴為貴。木胎木乳則無穴矣。平腦者。穴結金胎。側面者。必就土角結穴。四腦者。或轉腰起突。必結垂蹬之穴。故土星結作。必喜多突。似

有似無。見金泡方真。土星出脉。不脫本體。或帶木脉入穴者。多偽。土星身太正。而面濶者。無穴。土星正立。而不開陽面者。無穴。土星正立。而頂弦柔垂者。無穴。土星開深窩者。無穴。土星開直鉗者。無穴。土星面橫濶。雖起泡突。亦不結作。土星結穴。脉喜渾出。巒喜員健。此土星結作之大畧也。

麟士曰。土星為巨門。其形如頤笏。左右無足。行龍多帶武曲輔弼星體。尊重端嚴。可為都會禁

地亦可出聖賢神童狀元科甲之貴粗濁出富
翁作間星為御屏御座孤露作梵宇衰敗出高
僧楊公點穴有八法合祿存共二十五式四正
落取窩中之穴偏垂穴掛角之弦頂生兜鑿藏
蓄為佳平地開窩端巧為上腦凹則穴居凹中
須湊脊為奇臂掬則穴倚臂內必枕泥為的腦
薄窩淺穴居塋口星形壁立氣聚平中兩短中
長取出露之微口衆長中短并藏蓄之節第上

脉散而坪弦可莖下脚散而有頂堪托中出硬
面勢歸動處臂重一邊穴結兩邊披垂長短或
就弦而就厯面突粘唇或取正而取中中出墩
阜而無面必有閃乳之奇亂生漚泡而乘特定
作平坡之結一星數穴緣落脉之皆長一脉兩
分以左右之長護開槽平淺塋口宜裁勢落砂
回頸中可穴懸鐘無脉就漚厯而有開脉之方
木脚無唇取稜坎而為剪裁之法此土星定穴

之所宜知者也。

金星結穴。必欲堅嫩而起。水泡方真。傳火者無穴。傳木者受尅。星體喜高大。不喜高強。正面豐滿者。必結天穴。正面和平者。必結人穴。脚下精浮而秀者。必結地穴。開窩深者。必結弦穴。開窩垂乳者。多結蓋穴。有似窩非窩。點突則露。點沉則陷者。多結蓋穴。或結角穴。夫蓋穴。束咽要細而低。角穴。側出要虛而老。蓋穴開湖坪者。方真。角穴開水口者。最妙。結窩穴者。頂要

員滿。結突穴者。頂要和平。窩大而深。不蓋。窩大而突。小不杆。窩深突硬者。不蓋。窩深突尖者。不杆。窩深弦薄。或方或橫。或硬者。不結。此金星結穴之大畧也。

麟士曰。武曲為金星。形如頓鐘。端聳厚重。左右無足。其行龍常帶破輔二星。若間巨門。可出王侯宰輔。節鉞兵權。為間星。主當代出貴。其穴多結釵鈿。總以腦厚股輕。左右陽流為的。以腦薄股重。左右陰流為假。古法金星結穴。有八曰枕。

頂坐槽取生氣於中正。臨槽倚脉放界水於一邊。槽淺狹高。弦口可取。吐唇舒脚。唇口宜裁。勢趨股重。有穴腰穴頭之殊。鉗口微開。有正受側落之結。下垂尖嘴。有壓煞騎刑之穴。金頭火脚。有挨金剪火之情。此金星定穴之所宜知者也。水星結穴。水性動蕩。見金則聚。遇木則濟。水土不結。倚水金不結。粘水性動。其中遇不動之處。多結美地。故水星結穴。最要員而健。精而堅。散而聚。柔而剛。為

妙有結開口穴者。必口中生成金。突木乳。左右弦角。能轉顧穴者。方真。水星行龍。不拘穴結何處。或上或下。或中。或挨近唇邊。或遇束咽之處。起突自能結地。水星結穴。多見分明。若遇含糊不結。有束咽過大者。必吐出木火乳。方能成穴。此水星結穴之大畧也。麟士曰。水星即文曲。其形如生蛇。散在諸山。為過脉。若自作龍帶輔弼。間三星。可出后妃女貴。畝斜破碎。則為淫邪。古法水星定穴。有四。曰坪

坡之結須細察乎拱收掌心之穴必可挨於肥
厚腦圖脚擺窩淺可作勢來屈曲唇口宜裁此
水星定穴之所宜知者也以上諸法皆成語之
可採者若夫星辰之美者其體也重其色也溫
其著穴也形而未形其止穴也靜而欲活分之
無痕合之無跡陰與陽和剛與柔濟是皆美德
之君子誠中形外之象也上地如之相地之法
宜心印焉

論峽

麟士述峽者夾也狹龍身之性命行龍剝換轉關退
卸去老就嫩之生死關也龍自太祖少祖行度而來
至父母山頻起星辰逶迤入穴中間必有跌斷之處
跌斷即峽也宜清宜秀宜明宜渾忌風吹水劫風吹
則氣散水劫則龍傷到頭尤忌故先賢論峽有以清
為貴者如灰線草蛇氈中引繩以及浮沉出沒之類
有以細為貴者如蜂腰蛇頸蛛絲遊絲藕絲之類又

有以渾濶不見脉線為貴者。如虎頸虎腰獅頸鋪壇坪過水過石過之類。總之以有迎有送為貴。以無迎無送為賤。迎送者。峽之所賴以有成者也。中出為上。角出次之。楊公曰。過峽若值風搖。結穴定知力淺。又曰。未見到頭穴局形。先從峽裏露真情。又曰。無峽不論龍。審是則過峽之處。所宜急講者也。若夫蘆鞭峽之可出狀元。仙橋峽之可出神仙。捲簾殿試之可出科甲。工字峽。玉尺峽之可出京堂。王字峽。乾字峽之

可出大貴。此所罕有。茲就管見所知者。論出諸法。以寫山川結作之萬一。苟能於峽內尋出真脉。則點穴無難矣。於巒頭乎何憾。

不佞初學執筆。家君即以數篇授予。曰。從此入門。自可以致廣大而極精微。予朝夕領會。口誦心維。所以能得尺得寸。登山瞭然者。賴此數篇之力也。茲因刻圖。付書於此。以公同好。非謂能補地理之萬一。不過不忘其所授云爾。麟士

謹識

九星穴體

滋榮曰。九星名義。古法雖有八十一體。而要不外乎九變之原。九變者何。先賢云。一曰正體。二曰開口。三曰雙臂。四曰單提。五曰懸乳。六曰弓脚。七曰側腦。八曰沒骨。九曰平面。此穴星之大綱也。夫命名雖殊。而取用則一。一者形也。理也。氣也。本乎天者親上。本乎地者親下。物物各俱一太極。穴穴各有一陰陽。故曰

四象著而體用明。八卦位而五行生。五行生而吉凶判。點穴之間。卒然遇之。當有確然之見。因固然之象。知本然之妙。相穴之法。無餘蘊矣。夫所謂正體者。星體開面。不生枝脚。色涵造化。收斂精神。故力量最大。多結美地。二曰開口者。星辰平開。二脚靈光合聚於中。餘氣分行於下。故曰吉穴。三曰懸乳者。生氣凝聚而下垂。靈光發露於穴外。兩宮齊到。一乳當中。圈內舒暢。乳面分明。最吉。四曰弓脚者。星辰僅開一脚。

弓轉抱穴。靈光向內而潛藏。餘氣挽回而逆轉。明堂聚面。應樂連枝。多結美地。五曰雙臂者。星辰開脚。兩層抱穴。靈光自足而舒徐。真氣有餘而磅礴。東西齊到。內外重收。多結美地。六曰單股者。身高面平。一臂弓灣。靈光內聚。左右即有一虧。亦結吉穴。但股頭必。要逆轉。兩宮龍虎必欲湊成。或借水外一砂補足。發福無疑。第七側腦者。身高頸員。正脉斜趨而下。肩下生乳結穴。真氣不露於頂上。靈光自注於肩中。古名。

仙宮俗謂怪穴。苟龍吉星吉。其發福與正結一般。第八沒骨者。肩下開口結穴。形勢既有偏斜。氣脉必趨左右。潛踪難認。開口為憑。但須前迎堂氣。後對樂星。莫嫌穿薄穿空。仍喜夾堅夾軟。最忌後龍失勢。尤嫌前案無情。其脚一邊灣轉。一邊粗蠢者。名搖拳。一邊雙脚。一邊單脚者。名疊指。皆就口上嫩硬相夾處。斬截氣脉立穴。發福與正穴等。第九平面者。星辰仰面。向天。靈光自出於頂上。生氣浮聚於面中。精神收斂。

造化完全。必須形勢端正。堂局周密。賓主有情。左右無缺。最忌胎息孤寒。血脉反背。孤寒則人丁衰替。反背則家業消忘。此九星結作之大畧也。所以古人論穴。有曰。葬乘生氣者。亦人圖可為立穴之根本。言人有耳目口鼻。山有頭足背面。人有手足腹心。山有支爪腰腹。人有五臟六腑。山有胎息孕育。認氣之法。在於山來處。辨氣之法。在於山住處。有餘即氣之厚。不足即氣之薄。活動即氣之生。緩懶即氣之死。五星五

行。大中至正。氣之純而粹也。九星變體。潛踪露跡。氣之神而妙也。認得氣方可定穴。定得穴方能乘氣。氣之聚散無定形。理之高下有定見。欲悟地學之理。須先認氣之功。氣認而穴無難矣。

妙吉祥

理氣心法探原

麟士曰。羅經之製。由來舊已。各有專書。始就正針一盤言之。夫正針壬子癸三山。已具中縫二盤在內。其子午與先天子午相頂。後賢分先天之氣為二。以先天之子分為壬子。名曰縫針。其子午侵正針癸五分。取洛書旺氣。為穴外作用。以之消水。於氣為大雪冬至。分先天之子為子癸。名曰中針。其子午侵正針壬五分。取河圖生氣。為穴內作用。以之配龍。古法正針。

分金起先天子初每宮順排甲丙戊庚壬五子無丙戊庚壬甲之分。後賢以為未盡消納之用。導青囊子癸同宮遺意。於子支之下。橫排甲丙戊庚壬五子。癸子之下。亦橫排甲丙戊庚壬五子。合子癸二山。正當先天子支之正。合十分金。適當先天子支之中。比正針分金。更為精當無遺。合成百貳分金。配入經盤。後世宗之。奧語雌與雄交會合玄空者。指子癸之一盤而言也。雄與雌玄空掛內推者。指壬子之一盤而言。

也。楊公之前已有中縫作用。所謂合玄空者。公以十二干為雄。十二支為雌。如子寅辰配乾丙乙為雌合。玄空乾丙乙配子寅辰為雄合。玄空之類。此玄空卦也。卦內推者。推交會應得之卦也。楊公養老看雌雄者。看此十二干十二支之雌雄也。關天關地定雌雄者。定此十二干十二支之雌雄也。翻天倒地對不同者。雌當逆行。有時而順。雄當順行。有時而逆。此取順逆子之法也。故曰對不同認金龍。一經一緯義不窮。

者認此左右旋之來龍也。動不動直待高人施妙用者。即動靜中間求之意也。龍分兩片陰陽取者。分此干支之兩片也。細認踪者。認此兩片之雌雄也。騎龍走水夾流者。寅少卦也。左右是太乙太卦也。左右是少顛倒火坑者。雌雄得配為珠寶。失配即犯火坑也。十二字傳心訣者。傳此支卦干卦之路也。向水流歸一路行者。合龍向水配三卦之作用也。後賢探青囊之秘。遵用穿透二盤為格龍立向坐穴消納之用。舉

世少有知之者。按透地甲子起正針壬初當先天亥支之七。亥坤卦也。甲木透坤地培根。吸先天亥水潤。陰陽互根立向。當知此盤屬何五行。以穿山承接。使相比和無相剋制。穿山甲子起正針壬末。當先天子支之二。自戊子至己亥十二支。當先天支神之正。一行不用謂之空亡。八干四維十二支。當先天支干交界。一行不用謂之差錯。只有四十八龍與正針百二分金。除甲壬之陽孤乙癸之陰虛戊己之龜甲相

直又與正針陽旺之丙庚陰相之丁辛適相比和夫所謂龜甲空亡孤虛差錯陽旺陰相者皆一行之偽說也一行本元宗廢書旨意故作偽說以欺人流傳至今舉世無不被其毒者不知正針內百二分金金可用如二五之龜甲三七之旺相一九四六之孤虛各有妙用天王前兼龍神前兼向聯珠勿相放後兼龍神后兼向排定陰陽算者指分金內之線路而言也雙山雙向水零神富貴永無貧者指干卦支卦

支卦于卦之用也先賢以正針論龍雙山配龍向透地定八首穿山定坐穴分金辨線路此理氣之大綱也夫所謂理者即河圖洛書先後天之理也所謂氣者即龍穴砂水之氣也正針中針縫針穿山透地百二分金卦坐陰陽者兼理氣而言之也溯自開闢以來只有一陰一陽至伏羲十二支始有四生四旺四墓寓乎其中此三卦三合所從出也雙山申子辰坤壬乙云云者即三統之三合也即楊公之三卦也三

合即三卦。三卦寓三合。青囊一四七二五八三六九。與夫子寅辰午申戌丑亥酉未巳卯皆三合三卦之作用也。得其竅者。吉凶禍福。未嘗無剝膚刻骨之應。特人不知用法耳。按希夷師授李挺之。有乾坤交易一圖。為理氣象數之根源。內言乾交坤之初爻為姤。姤變五陰卦。乾交坤之二爻為遯。遯變十四卦。乾交坤之三爻為否。否變九卦。合共二十八陰卦。坤交乾之初爻為復。復變五陽卦。坤交乾之二爻為履。履變

十四卦。坤交乾之三爻為泰。泰變九卦。合共二十八陽卦。凡卦得一陰爻者。皆從姤卦中來。得二陰爻者。皆從遯卦中來。得三陰爻者。皆從否卦中來。凡卦得一陽爻者。皆從復卦中來。得二陽爻者。皆從履卦中來。得三陽爻者。皆從泰卦中來。合乾坤二卦。共得五十六卦。每卦六爻。合成三百三十六爻。配入二十四山。每山該得十四爻。每山五分金。除什數二爻不用。合雙山。雙向一局。每山該得十二爻。此乾坤交易之

理也。分金者分得應配之爻也。犯雙金者犯不應得之卦也。至於一四七二五八三六九之陽順陰逆與夫一九四六之審用二八之分途三七之兼加其中作用整整不紊苟差之毫厘謬之千里矣。何令通曰精神在於一線之間。元與間乎毫忽之際。厲伯韶曰先將子午定山崗。却把中針來較量。更加三七與二八。莫與時師說短長。陳彥章曰分金有轉移之巧氣線無毫髮之差。希夷師曰坐正朝零話不明移悞禍。

非輕總然識得零和正。雌雄要捉定。龍差局錯穴情乖。變出火坑來。每代先師口口相承不敢筆之於書。恐千造物之怒噫至矣。盡矣。地理至此苟無真人點化不但三卦之書不能用而且四經三合火天機雙山五行無秘訣三七二八徒相加一九四六渺無法焉得舍諸法而不急講乎哉。此篇當與家君合一解篇參觀自得非異擬也得者寶之。